

石  
筍  
山  
房  
集

石筍山房詩集補遺卷上

山陰胡

望嶽

嶽色千里來秀照東海碧涌出自何代天地隘胸臆  
莫測雷雨藏顧駭元氣積誰能辨初終萬古同一息

次韻荅園牧

重陰阻白日安知天地心清風何時至黴汙生裾襟  
烏皮藉偃蹇萬慮爭牟侵自顧還可笑歷落餘巖嶽  
鳴鳥變時節青李交來禽美人煙江外漠漠青楓林  
相思空爾爲寫以孤桐音

雪

今我賦旱雪太甚會未晷泮脈縮吳越得歲更何地  
伏聞周公章雪請亦所備歌哭盡州野西郊轉迢遞  
山岳不自救焦焚痛膚髻甯無出雲資暫漑千里廢  
但含肥遺窟助厥妖女祟穢淫索叢墟非鬼尙必逮  
薄仗祿至尊等鐸熱闐闐豈惟走父老公府劇奔筮  
將謂膏澤敷幽理實所寄神勞安得說毋乃困牲醴  
殷勤閉陽門會合欣縣吏終占熒惑渴金火猛陵制  
庸詎說魯僖或恐東海鹹茲聞天人應轉捷等吁噫  
遠思晏大夫諷諫實所濟復懷永元世未及屬車逝

況茲饑迫餘凋敗互纏癘幸追淮揚守放餓董生記  
精誠取迴輶重稚陋嬉戲晚窺涉波禾忽嬌潛淵螟  
出荻煩雷公覆手醒萬悴分施及野人宵夢溼垢膩

離夕效謝宣城

離聲傲野絃別舸聚春煙華月流天迴滄江接漢懸  
遙憐故人共悵望重城堅相思芳杜若盈盈竟一川

玉臺體

遲遲織練罷畫月夏成蛾小燕巢花結茱萸醉錦窠  
吹腰風轉細照悵燭偏多定知憐上客無暇更投梭

悟上人偕茶經

陸生眞古狂詭放一世中犢鼻弄流水痛哭非途窮  
髡僂無不可慢睨造化翁偶然親薜蘿幽潔將無同  
豈意轉晚俗好事爭鬪訐坐使兩小兒譏喙鳴寒蟲  
君豈接興後期期看餘風我意趙州老自謂常伯熊  
火前聽嘯鳥欲煮春山空精新見遺製貝則鑪伊公  
誰當畏水阨相遭如發蒙他時趙壁歸社多走班同  
何以代一鵠青砂黃蜋封

方廣寺三觀

黃松

鬱鬱支離姿舊是優婆龍飛隨軒轅來捧鑪華蓋峯

丹成先竊食金光發其容戲見三尺身投入盞盃中  
猊鬚黃須兒膨脬五老翁似若聽經出訓集無雨風  
道人法界觀百好亦已空仍作董父豢怪魁爾其蒙

方竹

脩脩淩霜枝我頃友此君豈知此君家偉節更有人  
規矩歎伯武德應六二坤天質誰能刊大珪餘勁溫  
摩稜笑鄙俗方頭是長伸應羞扶孔光正當靈均  
森森上青霄獨立無敢羣平安幸時報楷模到諸孫

韶石

虞樂雖久荒太音未嘗斂至今雙石闕清商吐崖隴

脫骨鱗之而虞業細可撿一朝割左耳墮地勢猶殿  
矗角駢海背斜出風酸閃莘莘黝玉岑色積湏水染  
坐對無言師偃蹇頭未點唯待王中倫抽簪戛瑤口

和園牧贈倪山人

斯人夫何爲委放謝天紐固非臧丈人豈是漢陰妄  
煙骨向小輕山心一生守荷杖芝朮香橐屨猿鹿走  
山中五髯龍清入江底吼因風寫消搖得意忽盈手  
戲變千殺羣清舉生怪醜塵夢一笑嚙觸出迷戶牖  
他時桃花開忽暗崖谷朽或飛琴高魚挂壁但餘利  
及爾不共扳蘭縛難足忤數子春可期買艇繫沙柳

早秋于梅里南谿精舍得句

梢梢疊玉光瑤翠  
濺衣涼花莊石鏡晚風篆澗蒲黃  
夢雨煙姿溼低虹鎖鍊長清谿知有弄中轍與何郎  
流光竹相青露庭幽候候綠酒月華香吹紅桂枝雨  
萬里埽空光陽陽青石路倒影入星河寒香白榆樹

詠懷述五君

俗士謹齷齪跬步不敢差動作婦女檢自謂與道昆  
豈知華獨坐破壁蒙漢嗤卓犖脫軌迹放曠瓌英姿  
淡悲寄長嘯沈醉謝當時至慎不可毀阮公乃吾師  
乾坤無情風茫茫但塵垢我生嘆薄祐丁此三皇後

緘袞趨沈浮斯懷何以狃柳下誠云工東方諒非偶  
泥水聊自蔽科跣更何咎鍛竈日晏眠頤性養真壽  
無爲烈士恥有爲大道憂異觀更相笑固必良非優  
興亡豈我虞愴慮江海游會因蒼生迫與偕經綸籌  
飛潛理無睽物我情亦周方待指揮畢挂席還東州  
像融至道蘊體妙天光發媚茲幽靈■養我神性悅  
靜悟迹以忘孤期意所攝影攝雲嶺秀理暘精微洽  
絕代映遁賢貞風邈堪接元對■鳴琴徵懷味仁哲  
至人妙元化達士觀消搖豈以風鵬姿坐等靈龜集  
夙懷非人閒仙契良招邀所葛慕選錄鄰茅企神標

嶽誕囁天生不受元匠彫一舉八紘外永使形神超

常山曉行

月沒孤牌見亭樓切雲直東臨廣圻席北鶩連山劇  
沙暄渡水駢埃淖衝風鷁新林沃濯迴遠墅阡緜積  
春花秣自穠春節徒相逼征夫豈不懷莘莘去靡息

早起

早起良無事獨就倚檐楹星流不自住月縮慣羞明  
夙懷方自感持此未能平秋氣擁酣者唯感曙雞聲

舊井

新井開露桃舊井土花裏新井緇銀瓶舊井瓶不入

新井苦水甘舊井甘水甞君看舊時井亦似新來汲  
樓拂

千絲把樓拂縛須等龍蝦直拔千佛口試說三斤麻  
妙義若爲答阿難手頻叉縱橫豈不歇聽者如被搥  
銅盃

剖型出僧器宛死懷苔紋乞食返幽澗坐洗秋樹根  
一擊古龍吼夜半清佛魂莫詫青玉孟傳自拘畱孫  
夜集湖南草堂各賦一物人畫四十字

月  
別笏滑越

寄來桂輪滿哀玉初辭別練影一團秋千山無片笏

西飛向西海漉漉煙波滑不異隔天河迢迢路難越

劒 斂欠磨借

蟠龍繡青血獄底誰能斂千年磨不斂一黍曾無欠  
剗盡太行路今朝心始磨何人稱最俠未許荆卿借  
甌仇因秋牛

潤色玉方價縈質雪欲仇陶土致清廟如鸞登鼎囚  
金穗薦香麥正當是時秋至用無大小鼎莫噬函牛  
硯 霰 諺 饑 縣

踏天隔雲來寒骨薄凍霰似出孔氏遺鸛欲餘魯諺  
從今帝鴻紐寬頑已可饑他年萬石封湯沐豈無縣

馬啞易且治

漢家天馬來萬廐麒麟啞風聲當道出電影連空寫  
驍■萬夫氣伏櫪心猶且神姿寬可總千金空在治  
石印 偷謳洲蒐

黃金鑄六國得印賤若偷豈如縮寸符號令明詠謳  
雪僵活師族月皎負鳬洲中書初報罷有事于紅蒐  
荷珠

曉雨過新荷機珠芳璫的鮮鮮媚霞吐昭昭爽空色  
依葉乍成圓牽風還蔽擲窈逾九曲難弄許千回得  
采采定無因持薦瑤臺客

齊東歲暮遙贈心知七首

後三首有七言句因七首自成章法編於此

陽窮乃迷復道消當悔吝龍蟄蒼天升雷蟠蓄豫奮  
行憂感華索坐歎窮稔急景匿塵極嚴殿湊虛刃  
戀戀百景馳幽幽衆歡墜

驅馬西山上遙望長城口慘慘風雲昏淒淒雪霜厚  
寒門披不周會冰壘川阜川凍傷馬蹶欲度還屢仆  
凜烈苦寒行悲來忽如割努力謝春華及時爲不朽  
松柏但傷心堅貞亦何有

嚴聲西北流客思浩無端一出復一入不寢亦不餐  
書史就暗壁拋棄時取觀至意謝賢哲傷心畱贈言

精誠各有合冥默成辛酸欲語不可得此懷何以紓  
寄聲同心子爲我發長歎

喔喔晨雞鳴炯炯夕膏注一夕復一朝迷茫哀淡瞶  
夏屋豈不歡端居竟何慕間道後徒傷獨立今始悟  
翔鵲憶羈鵲悲吟自相語終古同一心天涯其飄放  
汲汲四海營矯矯層霄舉我哀子獨淡子懷誰當與  
惆悵徒倚至夜半乖吟長恨奈何許

階前翻翻凍雀鳴尋夢復啄粒顧影不相驚聯翩逐  
儔侶飛去集中倉楚國有大鳥夙懷思九州陰雲漫  
漫塞長路非無六翮將安投道逢陸終三太息巨細

得失誠參侔汝雀飽會幸可已哀啾啍何所求  
東征計不就越吟行未得薄於空歲時高歌徒倡側  
蕭條九夷陋晏歲竟何適屠龍訝莫試談天向誰劇  
飄我雙翼層雲端直排虎豹搖天關手挽天河洗寒  
凍祓濯四海回春顏因而笑謝向知己可以與之同  
往還

歲暮十首

巷南京黃雞街西割量穀祭竈請比鄰伏臘祀先祖  
爆竹連夜半鐙火燥可數蝸牛一室陋豚畜兩無所  
空窗鬪餓雀睡起日過午然箕飯我豆一啜已賴釜

菲薄諒所明奚事薦蘊管桃符憐暗破淒苦亦速汝  
何當邀春風爲予拂塵土

枯林巢悲風寒山澹無姿日月會有窮短歲從此辭  
聞道苦不早謀會今已遲緇袍披北郭衡門掩晴陂  
苟無物欲牽安知節與時

窮巷無枉轍叩戶知誰人勉謝使之去定非情所親  
門前雁行列賁逋及茲辰須臾願少緩義若追亡臣  
登臺竟不可償進將奚因顧笑張太祝何時見輕身  
小市集鮮葠歸人競油油旣足燕親弗亦用遺朋儔  
禦冬我無蓄物款況所周敗園但生目空囊嗟割疣

豁然徒隱几天運安所謀  
饑鼠潤冰蘚庭砌閒幽幽  
我屋南岡下濯篠上剡口  
老瓦星欲窺破壁風易險  
藜牀枝半折敝帽徒息偃  
固無岷蜀資幸得人事簡  
時取讀我書鼎味勝豚臠  
頗訝昌黎公送窮意何褊  
胡爲不自得辛苦如束繭

我如魏陽元四十貧未了  
畱連臥山澤撫景嗟蓬葆  
饑寒到妻子六鑿紛怒擾  
行歌采林杙枸蠅爨餘糲  
霜風驚瘦面獨立心悄悄  
許身誠何愚稷契徒自保  
依微頽陽下凍色起斜島  
乞火從鄰翁歸軒取衣燎  
管年無立錫今年猶勝舊  
守門豈有人頗盆日相責

土牛慙一步畫鵲着兩翼里閭襍噓護病婦或歎室  
先生信癡絕執熱遽忘滌雞虫看得喪鳬鴨憐拍拍  
力命兩是非端然謝鐫筵安知孟東野倉齊腸猶彘  
出門卽有厭舉動觸四壁

陰雲怒鬱冥朝氣磨鑱稜荒池暗浮澌破墻落危藤  
淒淒集凍雨檐角搖鋸繩悠然得興味野寺棲慵僧  
隨宜息頷缶冒被時曲肱同心念我友數子眞其朋  
城南瘦髻舍釜底久有冰呻吟出微響尙作臆窗蠅  
豈有謝仁祖送米來晨興

幽居食不足苦心懷舊賢小仕聊自殺求丞豈吾堪

我未安託飽勞汗空執鞭方春滌溝澮酥雨肥犁鉏  
清晨叱鳴犢秋場擔百廩茲謀庶當理一洩詎復延  
狂歌過夜半搗燭消殘年

退之月值斗丙子憐東坡生年一相似託命將謂何  
文字空汗漫褻褻畱嵯峨祇幸髮未禿遙欣時始和  
煙畦錯三五拍水紛鳬鵝魚出辛尾菰薤殷成窠  
馨椒饌五卯芼笋羹谿鱸行當償今夕孟燭危滹沱

南巖

南巖南明割其勢實雄抗翻然意象外怪壘走百狀  
相當經營初造物戲何壯精靈出搏弄轉陋斤斧創

雪破太古餘，廟完燧人止。瀑危青雲裂，怒落恣跌宕。  
淒寒到石骨，光炯擺雪浪。竊鬱乍莫窺，寥寥迷所向。  
沈沈諸天定，莓苔變紺相。林幽夢寂閒，煙潭互惆悵。  
欲去山鳥鳴，何時澗花放。會許茅徑開，吾其得遙曠。  
到京師，明年三月代書八百字寄示家人。

我於古賢豪，百一無比肩。獨餘真率性，幾似王藍田。  
有官亦慵來，有貧亦未嫌。有名亦從稱，無名任其天。  
少小不識事，謬怪時世愆。太息千年來，妄欲策治安。  
醫和胗國病，一施鍼屐中。閒稍覺悟，汝性何愚頑。  
蒼志去山澤，猿鹿同甜筍。延谿毛朝羹，烹林實夕釜。饋

尋雲安知時釣石堪窮年文詞託所好偶弄不計篇  
未可示俗人亦有愛者傳遂煩尙書符夏值太守賢  
爲言勸我駕上計辭莫堅著我短褐袍棄我鹿皮冠  
別我同心友乘我江中船朝登泰山頂遠海渺一區  
悠悠顧乾坤裏哀何愴然長安幾時居五月滿轂弦  
尙書見我來分座授我簪怪我何遲遲不待試席先  
座主翰林公邀客開盤筵索我囊中書再覲歎再三  
曹郎聞我來騎馬夜走看中舍聞我來喜溢睂眼彎  
御史謝與盧學士仙人班寄督在人口頗謁識面難  
相公尊嚴居埽門實所慚廟廊須經綸委蛇足冠簪

忼慷將何爲上書口宜鉗沈沈閉門居自笑且復嫌  
駕言出國門以寫心怱怱沙塵橫攬入歸來面爲黔  
南北苦異候二月無春妍淒如季冬節雨雪侵連翩  
重陰閉爲陽號令失所宣東風曉雖柔刮人猶磨鎌  
信矣難久居從人自欣酣此時故鄉憶桃李飛仙仙  
水蒲已慚抽山蘭旣成蓀我昨出門初園樹當秋刪  
卽今交枝陰次第需其圓我兄送我行相望頸屢延  
江闊影不見及此增縣牽安知渡江夢幾夜來之燕  
癡兒逮小姪嬉遊得母偏舊業惟經廚噉汝荒畬鑊  
嬌女髮覆額有妹扶牀邊去時戀牽衣問我幾時還

弱婦閨中居儲粟無一甌日夜望我情早貴開心顏  
安知丈夫志歸落中有存但嗟生有役豈得辭所緣  
汝飢吾甯欣顧不憐汝寒八口乘膠舟待我脫于淵  
思量竟何術使汝飽且優古人貴難仕爲必觀其原  
試第卽驟拔廁身青雲端安坐但無事日擁車騎喧  
皇皇非我來且願從衰關似聞荆山驛丞廨八九閒  
有池十畝餘果竹羅滿園事少地又僻得其柔者閒  
又聞東南州海場檢魚鹽不受郡縣約臥起日挂檐  
巨蟹流金膏鱸鰖多于蠶二者倘獲一足償意所欣  
旣謝原憲恥富與莊周參殊滿徒步去餘粟買幽塵

課兒秋藥青漱齒朝泉甘酌酒兄弟對竹檻香藥藥  
此志不在多此情亦非謾未知天公何難使垂簾占  
人生亦奚爲受此大治甄不得從心胸歷亂繭自纏  
中宵起孤吟百尺搖風旃書將示家人見之得母捐  
甚勿笑我狂我狂久難遷

畫閣

畫閣鎖菱塘青珊紅壁香安釵韎鞞寶埽鏡夫容光  
員花帖領巾蠟帶壓麒麟全嬌羅扇月小妬屏風春  
蘭舟廣陵路偷得神仙婿共將金縷枕交種相思樹  
相思秋子紅密意無秋風纏絲指環約錦帳從郎索

雪肌碧玉笋宛轉百枝鐙同是清谿妹憐宜作許聲

后龍夫人

山頭孔雀屏山下鷓鴣翎甯登尉陀家不望夫人城  
花戟引金虬豹甲紅幃頭劒雄嬌越女貂蟬畫粉侯  
朱熊貴夫婿玉帳牙雙樹家世本雄田龍旂捲雲處  
樓船伏貴道銅柱唬猓老燒畬鋁木青戰象蒼梧埽  
漆泚樓鷺鼓急打番禺下往歲暫豪牛今年鉞野馬  
海日壓波黃相逢下若郎誰爲漢都督識是晉元皇  
鬱刀他釘簾寶幃森莊燭春霜點鳶霧秋艦牂牁玉  
扉杖哀江南脂井淥潭潭桡柳迎步障明星目駕鞭

朝雨擬得齊梁

重樓掩曙暉  
暮暮復霏霏  
香迎蜀城酒  
畫溼漢宮旗  
雁陂聲欲度  
龍池暈倒披  
桐秋全入井  
花晚細紫隄  
淚竹侵新粉  
錢苔潤故衣  
何言未成夢  
獨向陽臺歸

田居

田居遂行稼  
遠陟南岡步  
腰鎌向煙旭  
牛羊下來處  
銚青野塘水  
衣溼秋蟲路  
杳杳望前林  
谿橋獨歸去

西峯石室

城郭春正深  
上方秋滿衾  
因登石樓夢  
換盡金闔心  
染葉碧更碧  
弄谿吟復吟  
洞猿嘯日午  
分果來相尋

黃陵廟

椒雨墜碧紅粉香溼幽芷淚竹鎖愁雲千年蓋湘水  
蕙帳斜曉煙脈脈空自倚玉蘚一雙魚波濤夜中起

秦人洞

秦人留避秦簪芝簪綠髮玉洞青苔春千年閉不發  
惆悵問雞鳴前谿暮雲合獨臥空煙蘿東峯挂明月  
杭編修東城移儺

前年西頭居有屋大如舫今年東家儺著樹看樹莧  
去來一俯仰心跡空絳綴坳泓不擇寄龍螭隨所寶  
大聲掀黃宮寶剗湛元礪酣懽得古友孤壯掉俗燒

秩卑道猶尊理盛聞恥談雖蹙值終宴會用忘慍情  
埽除出軒庭曲折布狀貌帷書隱成堆戶屢鈴占官  
縱橫任偃息放浪褫巾幘從知鑒藜莧卒等味臙臙  
發春幾時晴戔曉侵曙皎柔憐華翩反暖弄風勁肆  
文字徒云云車馬紛嬿嬿煩君呼一過共醉取暫了

身世

身世計一失出處成兩非難爲解衣入滯作毀軍歸  
家書五千卷谿樹數十圍何事坐拋置惜此歲月微  
欲說

欲說近來事一龍還一蛇單袍賣續會十年貧失家

去燕始之晉匿瑜還得瑕心雖不著土邪不生蓬麻  
春夕有懷

華星動高闕繁露瀼前除孤客西齋賞獨往步踟躕  
池光熾明燭林香綴薄裾相望佳人夕緘袞玉琴餘  
坐惜芳菲節風景故園疏誰能度遙夜不復感離居

憶柯西讀書舊隱

省年柯西谷巖夏開僧寺選石逞幽眠分竹題新宇  
昨歡已已暮芳景從來思池陰佳樹合煙澗孤花墜  
安知讀書處不污秋苔漬卷言二三子獨往欣閒外  
故爲京縣居擾擾人間事

齊使送韓晉往岐陽梁師復楚

聚聚衆君子如玉復齊榮宛宛警蘭芷可以喻嘉聲  
夏言永遙夕衷賞晤平生繫釭耀靡綺文史列縱橫  
復陳盈尊酒吟翰羅清英迢遞憐芳月流景轍高城  
露華涼欲曙微波遠夏明一爲零雨別車馬異秦荆  
天涯但相望風雲彌故情始愴朱絃曲終然白璧輕  
知君松柏晚彌懷堅與貞

夜坐有懷

時人不見俱在帝城中風雨蕭條夜還與越鄉同  
蟲漸通夏候蒲晚映春終何用其勞戀形役但忡忡

四月三日早出南西門

鬱雉耿霜姿明岑綺餘鏡往往喧林台霞旭相孤映  
聖陽雜絢舒田沼敷芳淨游衍及佳光時對悅羣應  
務言今謝徐蒼志夙希邴光將課負鳥隄慕徒傷性

孤懷二十三首

并二

上帝青寥寥萬古胎鬱陶聖人因有作江海迴枯焦  
元精吹至音淫舌不敢調炎農繼悲瑟聽者神怊悵  
巫俗振夷昧可以無虞韶九辨既不下鈞天起離騷  
奇聲溢四海有鶴鳴于皋

高耶一登望誰爲後人者薄薄氛塵合茫茫昧原野

九天招古魂踟躕未來下貽我以悲風肝魄爲洞漚  
浩涕而獨傷畢世終莫寫

大海忽然凍短日青蒼低上天下天風萬物不敢西  
今朝層仲連遠送周伯夷危波踏弱水孤陟昆侖梯  
兩心片玉齊兩身雙龍螭分玉玉不分雙龍龍無期  
別嚮鏗徹天別景劃若飛宇宙弔獨立荒曠延古悲  
頓若元氣歇衆類無一遺但將別語淡說與厚地知  
厚地如不聞谷磬到何時

掩目別白黑兀踊馳四方鄙夫憂俗物心事如沚湯  
漆雕有賤儒色媿黃門倡莒柱非奇節屈原徒怨傷

託世苟不諧千載爲猖狂蘭子躍七劍游戲神飛揚  
莊周放言論太山一秋芒生無百歲壽乃有千歲腸  
大禹化裸國不免解衣裳子房旣辭漢黃石祠道傍  
辟穀諒有術願得師其方

寒氣白皚皚渠陸沈北海虎豹爲龍蛇文章窮噬醢  
帝所未成亨朱熊伺其怠大荒明妖覈一夕生五彩  
風雨迴迷茫邱山倏已改

春姿茂宛宛盲風振郊門華物稍摧落夏滅一無存  
昨日桃李蹊陳根穢夕園行人顧之悲日暮起孤豚  
陰陽代舛薄高下互紛翻明明聖人制後爲盜者撻

衣冕遭毀裂仁義歸虵蛇嬉戲羅俎豆酒肉驕齊璠  
虞舜有還行魯孔蒙世冤白石立當道何必無昌言  
黃犢既似虎稂莠疑嘉穀未若黎邱見儼然同面目  
仁羿不彀矢遺弓在空谷寶玉龜青純魯盜何所役  
我將鞭牽牛終朝任箱服不如觀姑繇猶非發狂木  
有目未常睹有耳未常聞嘿嘿復啗啗煩思競淫婪  
江海不見底矯蹈自淵淪非癡更非狂常恐昧所隣  
皇天有成命將以示下民翟鳥勤愛世黔突無遺薪  
石中名觚者安思獨欣欣

剖型爲莫邪白頭遠相照來丹未相請仇者知白帛

辛庖抗厥俎彭御方大笑擊磬聲何悲其人特徵妙  
金石雖共居由來竟殊調

日月爲漆鐙銀海色滄溟乾坤作大冢山兵陳灰釘  
值值葬萬古永閼高天青鬼事多誕易鮑魚發新馨  
雄魂嘯雌魄攘攘驅芻靈相告如人言大寢不樂醒  
其來此中居各保安且甯賢鄙故無別甚勿相訾爭  
元局闢不闔變化何其多彭生立而哢牛哀怒相訶  
丹朱馮淫娠夏耕操厥戈予人實已然況乃物族詆  
鳩鼠迭竄易雉蛤夏于河晉者龍矯矯今有殺與戮  
鳳皇來破卵衰德甘鷄鳴我欲舉詰之其理荒且遐

道上鳴白蹠自言生二犧無人竟能辨嘆息當如何  
愾愾中宵興我夢不可診四方孰知由川牡陵則牝  
松俄化于蒸狸或絳夫軫有螻旣如象有虹復如蜺  
鬱鬱何人居何大噬其珍何彼星與辰下玉霄而燐  
臣愚始未識志慄變元鬣而敢請之皇將以導所隱  
其占旣不發念此長慙慙

眾水東南逝河漢獨西流所從俱有託今古不相儔  
漫漫天地合誰能還見收槐橘爲兄弟瓜田綠道周  
勃窕東隣子會合一何稠懷中璫與瑤芳臭齊薰藉  
首陽信堪憎齊景爲諸侯囚臣不濡跡召忽成忠謀

大聖無斧柯天下空慙尤崇岡仞峩峩浼浼臨河州  
鳬鷺游軒涇飲食還交求望遠不可見日出上高樓  
神明窮挾表包廓絕厓堦轂成三十幅絲爲千尺縑  
積銖乃至斤定歲始于辰軒轅謝征戰力收逃帝臣  
千金挾匕首多爲能者親授與不避世楚國稱狂人  
因歌鳳兮曲遠觀滄海濱魯人狩大野張網適得麋  
舉國夏無悟歲歲傷麒麟

落落同心別千載一遇餘相顧無間聲相求意非茹  
其雨何淫淫其御何舒舒道里萬周適未由擘其絃  
精誠交薄靡山岳多岵岵雷電鼓金行爲寫雙欬歔

慨釜思食魚緯未田疇奮我馬雖元黃豈無舟與車  
安能坐悲吒歲晏空城居

左挽博浪錐右佩屈景光蜺蜺瀉池君咫尺眇八荒  
慨慷彼何人栖栖大道傍趙勝不足捐豪舉殆可傷  
孤行入燕市天地相回皇倡癸呼東門偃師來洛陽  
韓娥發其謳清厲蒼彌長哀音感雄耳豈徒悅激昂  
居夷從鳳嬉虞網不得張元豹未食虎亦以養文章  
東方有蒼龍蜿蜿看高翔太白何所照千文生光鋸  
旦駕發廣門夕旒淩鴻沼麗色遠勤求誓言同皎皎  
匪值媒傾國所美傾衰表三嬪帝爲御衷思清跼跼

光姿爛神澤霞日相鮮吳姬移九州春萬物忘速老  
幽貽感璫贈乖越增繳繞精合雙遂通綢繆永以保  
我本下土人生平足悲哀倒洗東海水波濤恆在懷  
一朝遠行游六合忽然開顙氣融廣都員景爲樓臺  
康回失其怒重黎未得猜周旋挾燭龍一氣俱緣迴  
雄躒日月背八極窮驅追飢來餐星辰手取鈴與魁  
孟郭司衣裳皇媧導之媒所歷皆非常願得永不乖  
千秋萬歲後魂魄忘歸來

渭濱始陳卜荆臺初會獵包樊九州席規苑南山絕  
神臯地何富陸海珍方竭蜺雲七澤蒸野火三驅合

封狼雷震嗥狂兕千羣雜成湯不祝網一舉從灰滅  
雲夢誇奇樂高唐賦表烈山鬼騎文狸因之成永別  
西方翔欽鴉北方號封熊東方諒何之道彗晝以擊  
崎嶇信多艱步屈意未通但計行者苦豈顧居者窮  
烈士無安怒其動如清風憬彼百世人歷歷增心胸  
長劔用一撫喟然當我躬萬物不託命安得稱豪雄  
局促非所歎富貴非所榮所懷霄與漢乃值秋氣并  
春女多懷思嘯空起哀聲傷人同見疑萬里嗔寸情  
蛙蟄始大戰各自矜功名神驪在千里安能願蒼蠅  
蓐收鞭白虎把鉞怒且猛叱之爲我御金策生雄鳴

手揮招搖矩垂象觀永清

正月長安花

正月長安花滿市紛藉交怪汝非時榮毋乃爲狂妖  
物理有自然逆戾功徒囂天地本生成日至各以苞  
空中不芽核鈍巧非殊勞雪霜不爲雷凍土不爲毛  
后稷雖善稼蟠侯無芸苗哀哀宋人愚掘之病何騷  
桃杏實冬月園梨塋嚴朝咎徵古則書陰陽惡怪調  
孟陬猶三微地蟄未振腰今年況變律大寒久蟠躄  
萬族互繾綣如把拳枯牢安得氣偏頗獨厚天與裔  
燠室方皦皦誰人制其杓化運一賊竊繆用權令操

紅紫亂手中顛倒生幻殺鉅直難取資工役瑣細條  
蒸炙竭餘力迫速催中宵甯顧害氣滲實偏生理焦  
譬其酷烈時峻切施誅刀無藝責賦稅拔髓輸脂膏  
涸澤將焚林魚獸盡所饗卻傷明年日無復登廚庖  
細人諒同術智昧事轉饒取鮮編相株意但物利招  
草木至微性滋萌從孕陶困屈勉顏色未釋神已凋  
明■前王制月令端所招大道順遂長光茁盈藹蒿  
孫章熊先生詩

先生本儒名閤步衰冠巾往與災禍邁慘怛穿牙斷  
凶鋒劇熾火按邑行屠咨有翁舍中居負避無由因

涕泗捍白刃代請翼以身搏手不得解轉遭盜賊攘  
撞嗟命已殊憤目猶見宛模糊血狼藉僵枕橫白門  
安知鬼神扶復出冢與墻閭巷痛喘足奔視爲歎欣  
明珠不生翳孤月會旣還生平范甯學益以楊素臣  
我哀孝且勇復悼時世紛馳兵過姜望讓肥憐趙昆  
古者雖毒寇尚可喻以仁柰何豺豕族窮虐徒喧喧  
檣杌恃其角甘觸東方麟飢梟食母慣反哺仇所循  
起作先生詩悵悵意彌勤庶幾最頑梗盜亦有道擇

送陳同年荆湖行

眾人桃李顏塵土易成嫁彼姝難爲容皎皎幽林下

誰令實傾國時俗空相謝飄飄日以馳湛湛春狼籍  
恹恹馬蹏直江漢無聲夜酌屈裝孤沈吟荆洗餘伯  
仙人兩黃鶴奇服羅娒姪慰汝遠遊情風颺尚堪駕  
送客赴官河渠

十載一相見衫袖惜暫把未暇語笑熱卻去復走馬  
嚴乘冬氣未卽事使人訝分爲求祿縻期月詎容假  
嗟哉九河淪唯見溢鉅野頻年計沒塞往往愁謁者  
君遲盡手版高議出馮賈凝冰白灝膠新月如覆瓦  
行矣勉亡壯勸醉乏璫單悁悁兩難懷別句聊獨寫  
送治易僧明遇古詩十二首

孫堅刳作輪所巨刳作舟舟兀車陶陶一發子不休  
東日西日閒高浪低浪浮阮塞無聞陸強海無疑流  
所以鰈鵝人得知洛陽周

至器不貴小至用不貴柔連連戕冰年周周叢材叩  
斧柯謝工師涕泣不目謀線水割吳楚尺風乖馬牛  
白日幽復幽行客愁復愁安得霜同枝忽然挺千秋  
唱釋釋夜影晚儒儒波臣一密瞿曇灰六部東家塵  
寶法薙俗法皇文錮詖文織明有眾晦共臘無孤春  
濁河不膠功啞鐘難椎勛哀哀二三子誰旃抗其津  
檀貌雕出古雲腳行時輕明妙一寸心律論三藏經

心鏡海像攝經談后徒聽法葉光歎歎禪松碧疑疑  
手字驢脣香腸文琅玕晶頂紺爭老雪眸花盪今青  
野情鹿瞿瞿空恣鶴泠泠閭慧了第一莫是鶯南并  
師來桐江雲煮粥桐江潮桐江洗秋天綠手寒漻漻  
腳踏江水歌不敢饒飢蛟尋路盜際行謀身蓮上巢  
輕包眠烟蒲短校吞泉瓢雪藕絲微微風萍相搖搖  
安得理藕絲胃此蓬根漂

聞師憶師時六月八月回師船翻翻過師話幽幽裁  
矮黑書牖榻滑青鞋莓苔蛛簷橘垂頭蟲庭筍封胎  
沙繚梯江飛湖菱繚波裁片山片情歸一石一坐來

野興共畱師蕭蕭淡徘徊

攢攢紫珊瑚剡峯欺峽峯堆堆細琉璃鏡淙壓石湯  
師來松楸仲師住山歡濃飛講墨花鬢灑法涼猿峰  
期夏吳閩舌長打秦苗鐘心吟駕豪駟性辨直矢鋒  
獨報望古歎兩磨霜雪胸將師不能然何以舒其悰  
憎經不儒讀儒文非僧資三易十二部瘠越肥秦兒  
春庖用靈洛包穹括坤倪中古姬君臣孔演日月詞  
哀哀末小生青天一鐙規虞書書吞呂夢家家癡  
絕照有全得至悟無他差常尋太極妙頗宣天人師  
浩浩華嚴文八卦誰精窺還持僧語送送師師勿遺

磨劍欲白水劍去無離波將羅網澤雉兩雉無分羅  
相知不在遠相見不在多環環縛絲蟲鳴鳴號羣  
柔宿悼塵戀禪漿離離珠來近熾燁玉逝瑤瑤瑤  
歸歟歸歟哉柰公柰公何

別公別人心心心無兩涯天人一漚同同漚巢一家  
福嚴冷冷寺真宗鐙鐙花餓僧餓秋參定佛定朝譚  
沙彌多羅肩西清安栢槎金雲天鱗雕片片飛筆筆  
挽公公掉頭掉頭去呀呀飄空頌琴聲同耳嘈筆聲  
燕本非公稱越淡非公賢奇公有實理理實心安安  
三卷四卷書千條萬條緣新火飲舊水昨火明今然

若耶西施溪蠶紗漂錦烟手桑青陌春一美迷雨看  
叩叩性相義飽公玄中玄

時俗昧道本高者淫文章千蕝朝生蟲萬綴春凋芳  
不資小鮮烹而況大任當貴松松艱林賤珉珉生堂  
天地無右手伸出牽頽綱遙煩代孔墨分路雙旁皇  
欲雪憶山陰別墅

迢遞隱千峯片雲相共結蕭蕭朔風夜欲度山陰雪  
一徑鎖衡門寒香幾枝發

題明州署叢桂

坐對小山幽高齋寒色曙寂寞過人稀蒼苔捲簾處

從事獨微吟淹留未能去

題郡齋舒齋亭

邦伯敞閑館坐嘯有餘清脫略經世策容與秋中情  
報琴微雨歇莓苔綠陰生溪遙竹粉暗淺涼桐葉晴  
露香度疏箔藻詠振雕楹晤賞簷花落悅性幽鳥鳴  
何用臨芳沼款款濯塵纓

郡齋夜感舊

視牒依山縣江海夢扁舟風塵俱一別竟歲遠離憂  
露葉西峯暗沙蟲南澗秋良晤欣茲夕齋館更相留  
林杪纖月落寒園霜氣浮花融明畫燭箭切耿鉅籌

眷眷意力愜閒閒辭亦周所之璫琚贈予焉將獻酬

長安鎡夕篇

并序

銖車千里客到南州鋌勝連辰春迴北闕望  
金莖于霄漢色潤珠囊對琪樹之菁葱思傳  
彩筆屬茲綺節爰賦長篇振芳華于爛漫併  
炫瓊枝吐逸藻之葳蕤全抽絳樹貽諸好事  
何妨其把青瑤倘有能歌夏願付東紅袖

玉衡隱軫動軒鐘青陸翻舒麗睥封漢殿金樽闢白  
虎周家畫旒轉蒼龍蒼龍白虎連箕尾旁衛句陳環  
帝里東城繡壓紫波明西嶺光搖絳雲綺絳雲迢遞

接飛煙畫甸縱橫控玉川榮光自報重輪日休氣迴  
瞻八五天春旛春髻迎年早候歲雄鳴九州曉粉枝  
鋸荔玉英盤玉蛾金璽千門道麗節晴暉滿鳳城九  
華爭點上元鐙繁華處處矜三市俠■人人鬪五陵  
庚枋盡轉蟾蜍水夾路芳塵飛不起秬稷神爵赤霄  
閒員闕芙蓉約霞裏燭龍銜燭焰鷁鷁火鳳穿蓮倒  
吐花香香珠宮城不夜遙遙晶域海明沙千枝百子  
森迴換五衢四照紛相喚香光直上九成臺豔影斜  
通平樂觀併作長虹十道來泰逢反景共徘徊文繡  
已向中天舞孔翠全從半嶺迴千叢烽火連雲曙相

看喚作珊瑚樹樓前雙笑夏雙歡花底俱來復俱去  
金羊宛轉自多奇翔螭舞鵲夏能齊平翻畫塲娥池  
上全晃泥銀太液西泥銀一片熏芳畫闌干幾曲搖  
璇斗誰挑青玉照咸陽好取紺房縈細藕霧濃烟重  
燒南冥紅蕊青芝映北庭翠幃雕輪流錦水文珂寶  
馬度繁星茱萸繡幔圍黃鵠雲母屏風懸冰玉夜夜  
長教紫蛤飛時時又見朱鴛宿意氣翩妍逐冶游珠  
綃犀插盡風流京兆旌旗籠五馬將軍刀劒盛千牛  
鵲橋媯榭參差度盡是人生行樂處公子春裘金碧  
輝王孫寶佩軒轅鑄石髓流珠雜錦雲豹脂焚耀卷

花勻千年曲裏黃星暎萬國風前絳露新  
底闌別有明馳足碧眼黃須來絕域步搖一尺紫氍綬鬱納千條紅縵縟擎來蘇合翠烟含煎斷魚膏綠暈酣乍咒明釭傳貝葉可將密炬偃毘藍玲瓏不榖交柯擁璀璨頻憐融蠟重曼衍甯知白日迷鯨鼇猶帶三山動鈿箏瑤瑟玉笙涼細醉微顰鏡鑿光攢攢桂黛春蛾溼片片羅袞暮雨香羅翬翠袖空中立反步跚跚大道出對對能歌字小叢依依寫態當初日鐙光綽約人嬋娟桂魄團團倍可憐鐙應長定看常滿月許無時不暫圓日華暗度繩河杳併暈花擎明皎鈔六尚

鞭影幾人歸消魂無數銅龍曉清夜金蓮閉鎖魚遙  
聞宣室召英儒還從太乙披雲葉熱盡青藜獨抄書  
甘士調畫鷹

誰能畫鷹騰畫龍九霄一日無畱蹤甘侯畫鷹如畫  
馬萬里驍騰浩難把日光月光迴兩眸爪觜秘技頑  
雲愁玄霜破翮勁不收翻身孤盤何乍休天低草枯  
海倒流寒沙鼉狂風折旂橫空不動怒鬱迨手能後  
先誠汝羞膽靡氣雄銳烈投突若破險摧羣謀憑陵  
大梁擊朱亥憤奮博浪錐韓仇沈沈殺氣凜果毅力  
借天地森清秋君不聞漢時長安雪一丈城頭老烏

叫悽愴訓狐飛飛高頰頰黃狸嘯曹當道上尾火擺  
敲恣跳跟奸號媚嬉龍怪狀鴉鵲轉作人語壯東向  
畫迷何所向蕭蕭客行足悲唱豈無蒼頭蹲架中卽  
拜都尉兼儀同淋漓食肉從心胸捐霄那解聽秋風  
林凡力短不自識但打黃雀驚飛蟲霧荒雲寒薊門  
東原平社淡邱叢叢古桑千年蛻土紅兔狂鼠立紛  
鬪訐安得此鷹下素空陡作壯士冠髮冲盡夜獵斷  
妖羣封鸞特一波吹沙蓬旁驅鬼車逐迷濛穢穢鐵  
翅練花上猛激空看畫圖揅納羅莫求神自王崑崙  
幽雷石鏗疏吁嗟乎草澤何處無英雄浩歌西風一

惆悵

雪霽後丁掾于城南置酒

鬱儀戰瑱開曉衙水官翦浪空銀沙茫茫萬里接海  
色勢匝天壁誰能爬蓬萊方丈互出沒紺紫炫曜琉  
璃葩卻覘田土舊時壘木末一點如棲鴉雄豪仙客  
兩不見令我惆悵思還家凭欄嘯風不得意幸醉紅  
袖當春花況逢眇掾真好士映座灼灼軒明霞天涯  
此樂那復易東頭竹篠休成蹊日斜踏東盤馬去紫  
波頗復工旋撾渴羌狂思轉無賴試埽殘粉烹團茶

南唐李氏硯歌

長劍英雄三十六未數彭奴白魚服一朝蒼鵬噓枯  
腸仙李餘枝照河北徵心堂內物盡古揮翰風流映  
江潯江中半夜風雨來猶指燒槽邀醉舞白衣沙帽  
去不迴黃家墨寶飛紅灰的乳年年罷京挺故國東  
風真可哀可憐此硯亦拋散六百年來幾流轉疑眸  
猶似恨亡王日夕淚痕空洗面先生興廢兩不知日  
日但醉琉璃鴟醉翻墨雨落千丈卧聽流泉雲外飛

題侯元經天姥圖

淡山大澤生龍蛇珊瑚紫貝來海涯賢豪幾輩出崑  
谷逸氣往往騰天騶侯生落拓三十載文辭縱橫抽

冥邪紛紛世事不挂眼安知勝敗爭蛙蟆洞中繙書  
餘幾章細塵滿路香松花嘯猿噉噉山月暗秋露泣  
泣谿風斜清吟秀出千岫杪傳在人間未應少雨不  
京華忽相見殷勤顧生謂生好春風動寒不敝貂  
裘正苦谿埃繞壯髮脫盡青髭鬚長怪此才猶潦倒  
天姥萬丈接絳都海波倒影疑有無石青樹赤開白  
晝雲氣盪潏紛模糊何人知生海嶠居愛生爲生成  
此圖石梁秋清攬衣去誰其從之雙白鷺人言阿龍  
超絕處風調正似王懷祖生今四十意氣雄名字卓  
鑠驚王公不向太息悲路窮破斧欲所扶桑紅爲生

慷慨作歌歌未闕回首天台煙霧空濛濛

題李于笠種山圖

胸中山嶽鍾不平夢中合有煙雲生一峯飄然初墮  
地勢帶雨色來南溟天台四萬八千丈入我袖底紛  
瓏玲中巢神仙吹玉笙紫房阿閣森亭亭下守白虎  
巖崑崙瑤林百尺叢空青夜半日出開金庭桃花流  
水間雞鳴把杖叩門初不應翻身跳入光熒熒近蕊  
夫容連赤城自披珠衣搖列星試拈崑崙舉左手博  
弄豈用驅雷霆人間萬事少快意偶此游戲隨長庚  
尚須捉卻滄邊月三山腳踏鞭鼉鯨中路忽值山玄

卿新宮初成邀作銘酌以玉斗朝霞頽歌殘大溪醺  
胆豁恒有天風萬里秋泠泠

贈劉戒謀

媧皇剖冶青天老錦字雲梭織杪曉石華吹乳一千  
年飛入天池明皎皎金機轟裂礪礪鳴空霄歸歸搖  
明星化爲朱鳥緣南斗十二玉樓雄鳳瞽排烟絳綃  
一百二十掃神山銀璫字葆車珠扇夜誰迎山下劉  
安守天廁雌蜺結帶虹作寰海影漉漉蟾蜍光風脚  
斜飛向何處千檀丹砂暗歸路

比于銅盤銘歌

後岡石林識文古粗角刻鱗蟄龍怒尙餘碧血腥  
虬傳自殷仁舊封墓延陵重惜孔畫餘此銘不得夷  
齊書奇模異製出誰手生世益晚徒悲吁

王潛夫水邊林下圖

有水何足洗吾百有石何足矚吾齒胸中冰雪自寒  
清依舊參軍是黃綺不須脫卻頭上山詩成但覺無  
纖塵誰得似君身在畫圖裏長與五松爲主人

題周復運糧圖

山蒼蒼水咽咽水聲怒流時斷絕山風吹寒作微雪  
雪花陣陣捲寒衣客懷慘怛征馬嘶邊城萬里運糧

去大將安知屯軍處熊咆虎號當我前前人侵曉愁  
路難軍中令嚴有期刻轉餽稍遲須督責三軍待食  
如待命健兒臨戰常若病君不見西羌夜奪青海灣  
此時大雪迷天山彎弓射盡白翎雀得意歸來唱羌  
樂大將安得優擣巢但見備糧急于昨

冰牀行

燕南趙北風裂人河水生骨不待晨冰牀嵯嶢出一  
丈勢鬬冰柱爭困屯氣嚴力勁威凜栗牙頰自撞非  
可親長安城中多好事岸上牽致雙車輪因爲嬉戲  
搯以足畫規刻石光切鋸居然空虛幻成器但知利

用殊所陳至柔號萬物惟水將力孰斷波沄沄一朝  
偃者堅可立如身舉足足舉踞帝顙臣工逞雄殺位  
以蜚廉導天黿元戈黑驪壯開壁魚龍填窟陸蹈源  
黃河力盡難到溥焉夷囚死不寸奔頤椎伐斧部得  
入夙如石腹排言言淒僵行客凍折骸義和失色不  
內溫仇囚祝融降伏帖毒焰匿抱何能冤此時咫尺  
盛凝結小者屋立大嶽蹲夸蛾受命怯負擲巫陽顧  
歎傷心魂牀難於人實觀好隱若割劒摩炭燔非癡  
非狂何自酷薦此七尺病夜昏誰從爾哀謂無死棄  
兒試身逢女嬃柔剛伸環太一氣偏頗中之乃擅尊

寒冬汲井亦生齒爾者誰復司其原君看長安盛炎  
月瞽瞍賣冰呼在門磁盤瑣塊貯懸緣手不畏觸  
可吞擊敲但有任人意曳來亦以轆轤翻寒門一徑  
轉鵲岸繞指汨汨東西邨柱摧嶽倒牀亦剝豈有長  
久恆全存

題彝安渡蘄圖

春山羅櫂芒春谿相沿環一帆去未已疾若劈箭還  
吹衣激激不知遠但聞松絃澗佩泊瑟紛潺湲山猿  
谿鳥齊上下翠空黛壁中有白雲紅樹之堪扳船頭  
何人打槳平頗似崑石之下初歸耕不唱銅斗拜浪

婆昨日欽山買斧隨負斧爾非朱百年朝朝剡中行  
把薪渡谿闊毋是逃聲名石帆煙空橫岩亭若邪舍  
秋漂蜀綾孟家鵝羣餘一汀白雨斜界春田明柴門  
谿上閒不肩叢沙苦竹淡冥冥其閒雜樹楓楠栢松  
想夜犬吠茯苓山中心澹無營安知蒙頭讀道經  
願以椶飯兼美菁束薪榛櫟屑斑藤終朝搏栗食益  
平還家桑下閒雞鳴金盃屋角看未傾知君意氣餘  
孤清對君圖畫無俗情不見西京布衣杜陵客袞袞  
胸懷長落魄袖內三賦安足論致君堯軒但感激英  
雄躍馬撫髀切壯士經綸濟時策皇天老眼不暫閒

旅會騎驢病秋色身非隱淪更跌宕躑躅泥塗空太  
息好山好水千萬重去矣應逐南飛鴻芒鞋稷帽雲  
門老相喚歸來及鄭風

五月盡日同吳五子謙吳大虞士過梅山張二  
百斯讀書處分賦

薰風初來梅雨歇漲連瓜蔓吞平橋南山喚人翠當  
戶樓頭爽氣橫今朝粉光數枝膩雛竹碧波千畝翻  
新苗瑟居正喜客不迷無煩折簡頻呼招劇談尙欲  
埽飛兔洪醉那復聞鳴蜩爭輸健句突快騎鬪窮擬  
翦長雲綃更愁蛾眉白傾國入宮卽擅荆姬腰清塵

濁水兩不見相思此際方迢迢畱君共席且勿去莫  
指西浦持輕橈夕陽掛壁夜涼發披拂白紵風蕭蕭  
石鼓文

鼎淪泗齋不可作三王舊物久蕭索人間甞見盃釜  
傳瑣屑不倫兼僞駁千年石鼓出岐陽尙與乾坤苞  
渾噩西伯專征初部製豫識中興表鴻略不以歌頌  
傳無窮厚遺文孫事追琢車攻復古誠赫濯文武遠  
振西京弱天教耆耄盛文字揚厲風詩裁雅樂秀已  
梁矢射獬廬左駮右駮何宜傳咄哉趨趨與嚮嚮奇  
奧難煩推點畫誰云劒戟湊峯刀但覺星斗噴鉞角

句倨羆豹雜蹲峙屈鬱蛟虬怒纓縛規模肅穆見方

召氣象崇淡對灑浴東遷已後鐘虞虛此鼓無人夏

收濯神鬼猶呵園牧本呵作阿周德厚精堅不受秦灰虐揭

來千載委寂寥雨鏹煙剝其磨礫神物何心榮叔葉

元園牧本元作精靈淡悶思全璞枉遭遷徙愿汴燕金飾紛

紛污刊鑿當時諸儒稱慕古蘇韓向鄭同嗟啗心雄

願保日月久力微不救摧傷酷後來攘攘好事多揚

雄誇辨彊推度惟爭濡拓事甄異或吐歌吟資嗷嚅

虞公起敬王澤餘坐惜至寶棲叢薄遂遷辟雍出泥

水鐘鼓豆籩園牧本豆籩作俎豆親酬酢周公禮樂雖久以牆

庶猶從聖人託遞甲及

園牧本及作友

癸天宰全會令光輝

自騰霍可悲盛治不長有瞥眈成周如電掠坐閱萬

變真

園牧本真作等

等閒身經千

園牧本千作百

劫餘淳朴始知功

業似浮雲賴有文章永揚摧卽看銷蝕已過半三百  
二十仍瑾錯造物方畱典型舊聖賢甯使精神漠吾  
知此鼓不夏磨與作高歌寄寥廓

唐涪谿中興頌

開元風業紹貞觀環海波平九州晏三郎白首無逸  
心賡頌應追慶雲縵晚侈雕宇禽色荒誰其仕者李  
與揚東門嘯雛真不悟黃虬奮鬣虺身張羯鼓聲催

走巴谷峨眉翠峰看未足俄聞靈武動六師奉開西  
來讓黃屋當時變生昧不細自將東征眞至計太子  
監國勢萬全倉卒誰令惑私昵兩京收後踰幾年歸  
來南內心茫然皇孫上食天子堇外貌徒貴中情酸  
潞州別駕本英傑親啗雉奴遺禍烈手攜三尺斬柔  
條垂老可憐依覆轍肅當患難叨天庥張姊李父憑  
指揮自來世世事殘陋太平無復開元時平原太守  
躬討賊天子生平未曾識漫郎憂國多苦心作頌中  
興三歎息頌詞簡穆書勁激色正鉞寒照南極想見  
戡冠相對時忠義淋漓宕胸臆摩崖高絕浯水湊京

微淒狄愁人心流傳墨本自珍重苔鐫蘚嚙空追尋

社火

夜半鑿鑿

園牧木鑿鑿作東東

催畫鼓千家點鐙作社火社公

社媼逐隊來巫孃疊盞澆春灰元郊幽幽風窸窣後  
舞前歌社翁入天星落盡鐙不青海角繩繩上寒日

賦得琵琶引送人歸巴陵

高陽美人徐月華娟鬢仄袖工琵琶當筵勸客紅綾  
酒卷衣小試春風手四稜華表聚繁星兩孔迴窗哀  
月明綠牙捍撥催初急縣甲絲絃寫未停曲中淒切  
恆幽抑夜半湘潭怨湘客畫絃忽送別離聲滿座消

魂燭花碧曲罷冥冥臨天曙挂樹嘯鳥帶嘯去遷客  
征衫半欲溼傷情似到閭猿處

上清早朝樂

金霄雉鋙森電鏘句陳屯雲紅嶽嶽雷官漏鼓芙蓉  
暉滄瓏八氣排琅扉九霞彭彭煉銀闕日天門天晶  
鑒歷元洲諫白八樹風紫鸞齊舞空青叢火鈴羽節  
三華褐白虎推輪威六六參靈業錦璫流珠鳳皇旂  
拂紺珊瑚東斗西斗擎屬臬前吐飛廉把瓊鉞翔竦  
徘徊綠炁光二十八宿隨太常島龍嘯殘露花重絳  
水猶牽玉妃夢山明海靜蒼袍春乾坤正轉六合分

題畫

雲容容兮迴商巖陰陰兮欲雨石歸歸兮寒秋松澹  
澹兮終古女蘿蔓兮葛縣縣伊何人兮獨處疑潁陽  
之高蹈或鳳嬉于南楚山有木兮木有枝析薪去兮  
知何爲桂以香自寇兮柏以直而見披夫不見蔽牛  
之十圍兮與匠斤而永辭水瀾瀾兮琉璃琤琤而紫  
迴煙紛紛兮谷窈窕而崎嶇芝爲車兮蘭爲旗鸞吹  
笙兮鶴從之猿噉噉兮狖吟仙之人兮忽翩焉其來  
歸泠泠御兮風飄衣泉汨瑟兮擷蕙花以擷佩而菲  
菲吾獨何爲兮更遠桂之無期南山之南兮北山北

社蔡繚房蓀爲屋扣美人兮媚幽獨靈嬋娟兮貽予以奇服與泰初而爲鄰兮又安知時俗之所逐

寓山北樓

續補五古一首

夕陽忽西逝鮮靄更澣霽撫石似得秋看竹已無地微颺相與清適共人心會玉琴雖不鳴猶勝上皇對

石笥山房詩集補遺卷下

山陰胡天游雲持著

秋興

萬里悵然曉誰爲天地秋淮南一片葉夏逐大江流  
搖落竟何意楚歌曾未休蓬萊倘堪問浩蕩欲東浮  
懷何二丈

風花驚撲眼江漢不留春得意憐幽草尊生自葛巾  
窮愁初有作疏放近無隣苦憶何夫子多時鬢似銀  
錢塘路 四首阮刻其三

錦織塵嫖姚弓鞘舊撲雕獵裘烘積火霜帳簇春貂

船尾橫妝葉眉心聚握椒房支山月白應咽曲江潮

### 江星

霧冷魚龍偃江空象緯陳懸沙虛動峽疏曙耿親人  
影溼秋天外光移宿浪頻客星應不見吾未欲垂綸

### 遠樹

路迴平沙斷江秋逐望迴人閒凝卻有圖畫隱還開  
如薺朝仍積連峰晚易埋依依向搖落誰惜歲寒才

### 送人之官閩中

并序

陽關半曲竝發南州紫劍一雙都來北闕功  
曹歸落猶聞會稽之英參佐風流遂入武昌

之坐賭射侯于幕府賞鼓吹于軍中何論短  
簿于王珣正羨黑頭之謝掾搖玉珂而欲去  
看金勒之頻驕春衫一片映芳草以情多鐵  
撚千檣拂晴波而路轉還家三月風花將綬  
影俱紅上日幾番煙郭與榕陰抱碧悵長安  
以索米等曼倩之仍畱望西閣而披牋歎元  
升之獨壯青門柳色實綰離心綺陌鶯聲工  
催別恨酒柸旣盡歌拍再終人請賦詩不以  
韻數爲次

佐幕大藩去知君千里才明時多世業利器少徘徊

高興且拄頰放懷頻舉杯  
府主但坐嘯南樓迎月開  
風城春色早送客東門東  
劍壯舊時色袍香今日風  
連山鷓鴣響入舍荔枝紅  
遙望故衙好海帆來望中  
次韻贈園牧

謝公臨海嶠往往憶羊何  
而我滄江上將誰弄短蓑  
若耶秋渙影霜黛晚低蛾  
他日名山去期君采藥歌  
咏荷珠

的的芳塘靜娟娟曉露濃  
涼侵細扇皎輕寫翠盤重  
珮惜分千串明堪綴一封  
暫來偷弄處不定有紅蜂

春陰

始識春浩蕩轉餘前日陰不知天地意甯用雲霜淡  
卷長爭待處暄蘇遲至今崆峒有長劍爲豁暮雲沈

江鄉

舟路每沿緣江鄉洗慮偏青林人換岸白水鷺明田  
桑果眞思接崔徐早見傳不知成計未吟入五湖天  
途中望九僊山

白日洗青山簪簪鬪玉攢痠添秋刻畫遙入翠盤桓  
僊處身不到秦年鯉自丹琅瑯晚風客櫂葉馬蹢躅  
夏日其登東武臺

眼中同茂對意內各清和雨露無言足江山見象多

浮生漂泊裏卽事古今過感激登臨盡迴風揚浩歌

泊丈潮亭

繫舸丈亭晚夜潮猶未歸數家戩雪岸野飯白沙磯  
戍角咽欲斷江鳥凍不飛坐憐崑石暝何事獨忘機

驪山溫泉

今古驪山路仍流碧石湯溶溶輕汎玉冉冉細含香  
春色華清老閒愁白日長蓮花空繞砌不見浴鴛鴦

西山水田

田田白滿渠細稻插青虛岑陰到相入塍紆暫復疏  
不芸閒下鳥如蒲多戲魚持比江南憶菱絲五月初

和吳祁安

何恨濟時策翻成江海心  
南谿夜來夢雪色晴疏林  
竹徑清可倚梅花煖不禁  
由來此中意誰得作枯霖  
詠錢和韻

何代淳風歇無端只貴渠  
盡人相覓處于事更無餘  
有子才難敵揆囊竟不如  
枉是窮愁者千秋學著書  
方心經鑿後團面鑄成時  
直使甘爲虜分明不辨眉  
思過兄弟久計盡道塗危  
莫笑洛陽賈猶言未可爲  
寒夜

虛郭結宵嚴依依夢向闌  
空枝翻不定驚雀遠難安

涼苦星辰白霜明鼓角乾天涯更爲客徒惜歲將殘

### 泊船京江口

擊析舵樓水西風增鬱陶寸心雄短劍寒路倚綈袍  
星斗春天溼魚龍夜氣高百年豪傑盡勛業感吾曹  
至淮安將渡黃河作

馬首對飛蓬征途杳未窮河衝吳地豁山盡楚天空  
戰伐餘前代耕屯失舊風誰憐韓信釣寂寞向淮東

### 雨帆

江闊雨溟溟孤帆盡日程片雲低其溼高浪遠疑平  
云身分風急懸檣競怒鳴不知千里外何許夕陽明

春雨寄予謙

幸于凍雪後夏灑物華春流潤不自覺眾情爭日新  
紐籠高閣曙促點曲池鱗園韭堪盈翦能來問故人  
同人夜集杭堇浦松吹書堂

不待山陰雪依然就竹林纖簾通月白寒燭報花淡  
且盡一桮酒相看萬里心江流奈何許歸意極駸駸  
秋晴眺海上臺

野色平如掌寒原極望開窮秋夏懷古橫海一登臺  
宇曠盤雕下沙明獵騎迴曾聞太公隱畱寓帝王才  
送周石帆應鴻詞舉北上

崑陵標氣色，磬石渺波瀾。雲彩從今麗，風流擅古難。  
祥禽畱鸞鶯，仙樹本琅玕。宿藻麾江左，新聲吐建安。  
曾將移寶月，猶覺秀春巒。荔浦迷香尉，刀州如錦官。  
千芝縈鳳髓，九乳動螭纈。繡喬機投霓，賤波字抱鸞。  
簞花邀內史，粉舞對邯鄲。別綰銅池柳，宜含畫省蘭。  
夫容員闕曙，鳩鵲玉繩寒。尺詔前徵朔，東京貴姓桓。  
薰猊籠楯柱，宮雉敞闌干。豹待平陵客，麟迎博士冠。  
參軍鐫逸竹，詹事脫輕丸。騁殿紛縹札，鴻都架碧珊。  
關擎雙白壁，未罄一珠盤。豈有騎鵬背，應知獵角端。  
擁沙犀暈白，拭土劒星丹。定上三休觀，殊非八節灘。

橐簪堯刻玉鏤管漢祠壇袍影憐芳草珂鳴度鏤鞍  
隔朝西隸遠唯是酒痕殘

贈春學士臺代

寶暈通犀岸神鋒截玉肪力餘筋跋沍心僧鶴搏霜  
鞭拂龍城柳衫披鳳沼楊星隨羽林轉臺號于郎  
密受三生記仍肩七佛香琉璃迴定水華蓋映文鉉  
鵲時花翻綬虹畱筆倚眎銅池依月白緹帳寫雲涼  
雉尾迎盧裕芙蓉待謝莊從君新樂府行客古河梁  
雁斷銀胡鹿驄騎鐵襦襜陣圖驚電燕殺氣掩天狼  
擲子三枝子橫身半段槍壘孤清嘯急扇轉令圍狂

海抱胡冰黑沙鳴夜雨黃雪稜凋積石風角裂枯桑  
鳥卵條枝大瓊庭服匿方榆沈關影細春破隴瘴長  
熱坂連秋毒簾山拔地荒夢憑絳節引人到酒泉忘  
敕勒歌千疊琵琶字一行平分斗南北直入殿中央  
枕席行師過川原聚米量魚須水蒼玉雞舌紫荷囊  
萬古頭俱白雙瞻座有光庚符高太乙珠焰炯文昌  
意氣看軒輊謳歌足慨慷朝來奏封事更集漢明堂

上林晴雪

仙籟飛翼早祈年瑞雪晴日華琪樹色風細玉隄聲  
遠映孤稜曉斜通雀瓦明苑淡寒欲聚天近暖還成

已轉林光潤旋催淑氣清待看花發處春滿鳳皇城  
千章夏木清

炎夏好風清朝光萬里晴連天芳樹合匝野綠陶平  
漸聽嘯幽鳥初過弄乳鶯紛敷高影散微度嫺涼生  
雨露皆含潤煙暉盡向榮此時仙苑路雉羽正相迎  
贈周秀才貢黼

水碧澂瑤彩雲高挹閶峰香牋赤鸚武繡佩紫芙蓉  
鳳蠟通連曙魚籤祕竹封照庭嘶馭裏吹漢上虬龍  
試拂千金劍初鳴九乳鐘青門官柳路春入萬枝濃

贈太常方師輓詞

進賢初錫命入夢本騎辰字耿龍淵鑄謨畱馬喙陳  
門生更上殿公子繼紆紉何負平生事行推一代身  
獨餘東閣悵長對九原新

仙班心侍從珠氣炯文章

起聯一作朝衣鑑  
易覓劍匣震銷鋌

書已藏

延閣名應到太常蛟龍吟大野風雨凍高閭故吏辭  
朱榮餘恩芾碧棠惟憐卿月皎時度聽箏堂

左伯暫分陝中台自耀靈不歸三殿日遙下五原星  
路暗秦田雪春凋楚澤馨流蘇通騎白祕氣掩天青  
石馬生苔後玄臺永自靈

瓊文九州被令望百城瑜仲寶風華首興宗品格殊

飛雞俄識西隙駟竟離壺幾似揚元掾乖慙孺子芻  
空嚙隔江海無路共歌虞

雪三十韻

騷殺斜兼密蒙騰往復還埽軒光不定斂野氣方頑  
約略與時捲飄飈乍得閒蛾飛徒刻畫花瑣失嫵爛  
斷翦難呼并吹絲莫映綸勢方排列陣鋪遠費均班  
包護癥底密迷藏頃刻間翻厓塵日月吞嗜邱山  
邢計唬貍豹渾教劇鷺鷥霄凝沈不轉地苦凍成瘰  
外飾逃瑕豐中材恐脛孱盛畱寒塊北迴合路辛艱  
青陸行應近元冥德尙姦憑陵威戛戛鬪逞態翽翽

括宇輸瑤貝充庭貢銑鏃連朝誇擅勝因物竟何患  
豈解論媧石惟憑塞市寰驕從爭殞漠見定笑巴蠻  
鍊詎饒靈術雕空謝巧般獸殭猛屬鼯虵走怒鸞環  
望屋華增粲窺林皎未刪怪徵休指絳異出想餘殷  
田忽傾滄海髮看徧髻鬟礪刀劒聚蕭颯歲時慳  
塊積虛千仞時晴蕩九寰蹴隣隨鳥雀獵許間茅營  
銷泐端然利摧頽可待扳宵搏嚴切枕風偕健衝鏃  
吟海翻珠罄心兵削玉嫺爲傳同滯者師取發驕顏

蟋蟀

遙夜又蟋蟀何曾晷度淹心驚候蟲切書媿老夫潛

已歎芳草歇感茲秋物纖荒階正零露曉暈欲銷燿  
聚族儼在宇爭身愁破簾那堪太淒促不自解憎嫌  
落葉暗封砌情霜濃入檐哀吟理何迫勅聽響逾鈞  
造物此相命及時應自忤殘鐙其無睡相和語嚕嚕

九秋得厲伏惟

清來

周元牧大

杞

長安齊東書

札說坐主溧陽任公

蘭枝

垂意鄙生許于

制科濫加嘘引感興述懷因寄二君並示吳

予謙

修道

張百斯

嗣立

一百二十韻

觀國奇瓌重何人特達殊星辰當尹契雲日夾軒虞  
經術天人表聲華海嶽鋪風騷歸大雅禮樂燦河圖

器尙蕭曾陋材論耿蔡粗網羅端自古投投必升埵  
破格仍興代嘉章繼令謨詔銜天鳳紫琴和嶧同朱  
結綠看登陞乘黃亟頓羈全開望賢館通豁上瀛壖  
花樹煙裁錦仙莖露壓珠九賓誠典設八極豈憂無  
捷足勞羣彥掀眉到敝襦麒麟爭在楸腰裏必遭途  
只覺春沽物多憐晚沽財及時頻訪窈厯塊幾駒駝  
牆堦窺鏤管■絲轉輓轡琅玕紅芍藥翡翠縹擔榆  
顧訝千鈞弩何當一斂蒲席虛宣室夜屐負玉堂哺  
書羨長沙茂辭懷子政敷俳誇從擺落三五遞珍榆  
渤海歌頌藻高岡喊旭梧曾非議鹽鐵兼或致藝芻

顧問陪行祕刊編擴眾郭絲綸光雨露氣象溫屠蘇  
利斗旋輕譯重常得驟呼司南歸領袖樸學洗頽愚  
地軸崑崙壯天潢砥柱扶榮名餘虎殿故事盛鴻都  
稽古酬堯奏經時卽舜俞丹梯霄極引金馬日翊超  
賦裂牂柯組銘殘肅愼怒水心秦客劍荆壁薛君狐  
宋玉雖高製相如小汰經廣成饒作頌典引復呈符  
傑構梁臺妙芳歌樂府須吞眠赤龍編吮翰絳鸛雛  
八米調胡粉三峯刷水鹽春英終待綺秋實憶旋餉  
寂寞憐時輩淵源墮草萊典型前匠掩僞體後塵蕪  
瓠缶甃咸獲池隍復昌邠精英掣元氣破碎費洪煦

牛斗曾無觸山川幾鬱孤王陽止逐日崔蔡沉扳胡  
大道誰堪埽洪鑿屢絕抱林工說肥瘦謝巧刮翳膜  
鶴似邯鄲刻龍真枉學屠端能對奇木試更辨騶吾  
印浦初沾畢聞庖事卻輒天恢荀沉府奧足任宏區  
且跋圍棋燭恆逃據竈觚孝先工坦腹江夏未朝鬚  
篇稍長揚敵心非壯士輪徒然著繁露定復異齊竿  
鎖徑仍愁疾筌蹶但守株甯當熟爾雅行欲忘盤盂  
碑版雖逢索鶯花亦寡掄方思極鉛槧悔不取醍醐  
三筆排緣謬良朋意總劬虛名忽驚座巴里遂皇琴  
江檻秋連蒨庭皋曉帶吳驚錢甘數菊沙鏡白穹驢

菱鏡明谿鏡，香爽雪膚寒。知懷薜荔興，合把茱萸。  
射的吟猿岫，却亭煖雁湖。故人雙浩蕩，手札一萱蘇。  
邨氏因牽桂，終軍已棄孺。纖資寒月纈，材適濟川桴。  
太乙迴鯨石，戈船壯蜃閣。登樓孫楚秀，懷古步兵吁。  
玉笛連芳草，銀駟認酒壚。金多待季子，粟飽媿侏儒。  
卜肆今空有，牛衣往未渝。其嗟鵲肘在，相憎鶴形癯。  
意氣關推築，潢汙就吸剡。雁涼出華袞，鉛鈍劇銀鋸。  
吏部中台貴，膺門北斗樞。威儀翔鸞鷟，文彩病於菟。  
蓮火衡璇尺，芝煙接禁爐。賜衣屏孔雀，接舞翟翟。  
枉木猶歸器，祥金況積銖。陶鈞合旋轉，周路蕩岨嶇。

班忝門生荀原飴處士茶陸機耽竹篠徐稹本菰蘆  
野狎畱芳島春浮倚畫艫藥欄滋茅朮社酒濁粉榆  
奉檄慚毛義求丞異阮孚行謳值榮啟早省事南越  
馴性龍宜懶敲窗鳥暫呼開田臨赤石收葉養青蚨  
并曰煩隣里雞豚晏臘腹舒顰催語燕適意撫遊駒  
展齒敲樊榭林杉滌舞雩竹枝悞女弄樓帽野人需  
去任悠悠馬遙憑汎汎鳬菱荷牽郢客橘柚覓胡奴  
簫局幽時拂琴囊潤後汗移牀迎蟋蟀分帙曬蜘蛛  
分效閒居拙甯矜道勝腴所憂非悄悄其樂乃于于  
江左嗤方格膠西舊闢迂術疏勞指措神勇漫睢盱

綰解犀籠角占逢豕負塗安將喜逐獵亦誤趁楊輶  
邀賞屏風絹爭關射錦弧郢斤渠琢巧岑鼎特吹枯  
擬拭華陽土空懷會計珣利揉騰路筭春熱鑄顏模  
翻許垂天偕鱗需涸轍痛棲遲猶白蛤潦倒久丹徒  
慚媿禰衡俊迴瞻趙壹驅幸一傷老大竊感倍躊躇  
闕有江湖戀霖依築野徂明堂通戶牖丹汗足彭巫  
哀哀生平意容容顧藉軀大科交慶得少技苦攀拘  
東里多懷寶先鞭謝執殳觚稜春夢遠萍實楚情娛  
道士紅鸞館仙人碧玉壺釣竿高碣石會見拂珊瑚

送諸生入秦

楊柳黃入關。蕩酒楊柳色。風衣渭橋水。露影秦星直。  
少年鷗鵲劍。腰挂龍額侯。菰塘暮愁晚。三年蓮子秋。

北固山

江逆西流日。風斜北固山。停桡問公瑾。一去幾時還。  
鏡

明鏡如明月。清光灑幾重。徒然思遠餉。交惜兩盤龍。  
題寺院兩松

滌陰畱夢翠。細響人吟清。盡日無人見。苔痕獨自行。  
付與石壇邊。雙龍對影寒。翦髯長自老。無日再來看。  
孔融墓

人間禰正平天下劉元德猶欣北海知何恨曹公屋  
和溧陽公南郊陪祀齋宿部署二首

尙書三入領祠官劔珮玆瓏肅不譴星帶明堂迎漏  
永月連仙掌近人寒神光遙下當窻見燿火旁通接  
曙看其羨清吟醺韶獲好將孤竹和堯壇

太郊烟燎重周官齋宿精虔闕笑謹鋹燭半移高閣  
迴青綾遙對望郎寒坐來未待絲囊凭賦就先傳畫  
省看大雅一篇誰和得願從鸞鶴上芝壇

寄釀西西垞二家兄

黃塵烏帽去無由茗芋相看值暮秋難上離船頻握

手遠從岐路更迴頭多時吟入姜肱被中管歌成杜  
甫愁想見蕭蕭雙瘦影幾聽征雁倚南樓

雨驚千里對牀心風撼孤檠擁榻吟方朔抱書空累  
月桓寬持論本違人細思奔走終安事何似犁鋤手  
共親僂擬毀車從此去不妨來點故山春

次韻園牧九日二首

阮刻其一

佳時頻負懶朝興雙屐誰教上翠屏千載難呼彭澤  
令落英空對楚人經新吟何意連宵發入手猶看帶  
酒馨未拂霜袍共君去舉頭天外數峯青

釀西君示和詩復成二首

阮刻其一

馬臺飄館舊晴嶸尺有南山蔽錦屏五岳何期相喚  
去重陽又此一番經未將白蛤從風墜聊藉疏花著  
鬢簪底處整容舒醉眼齊州九點暮煙青

長沙懷古

星辰軫翼垂文久蛇鳥圖經屬事長異代風塵暗吳  
蜀千年棟宇失齊梁人來賈誼青山宅潮滿春申射  
鴨塘欲向層城記風土卜居惟是羨雲陽

金山

浮玉一點浮孤煙坐走水府朝諸天地中鼓角滄江  
破殿外魚龍白日懸不動微塵風浩渺俯窺流代秋

茫然誰呼造物遺搏弄海若東來欲問年

高天

高天厚地竟何知世事荒荒最可悲  
鼠穴不迴車上客馬鞭難檄豕中兒  
江山豈謂曾無力雲雨長嗟未有期  
醉夢狂眠空谷去幾人還得暫相疑

聞笛和人作 三首阮刻一

幽情風絮起無相諦與朝華子細論  
滿把憎分江岸桺一聲遙入塞南村  
雙砧別館傳孤夢翠壁清江鎖斷猿  
盡付朱顏門鏡裏暗隨雲雨變朝昏

幾番淒淚破霜相曲裏瞢瞢不可論  
難醉天涯孤客

枕先秋江上數家村空宵一片人騎鶴歸路三夏月  
墮猿弟子綠珠堪問否其將哀角倚黃昏

嬾性

思量惟合住雲邊嬾性磚塵總未磨累月已堪新沐  
少三朝甯少晏眠多豈當鐘鼓畱飛鳥誰道青黃愛  
斷儀便見籠街開騶騎嵇康無奈不堪何

落花

春愁無隄下吳江一倍風花意未降是客心狂偏昵  
酒有人腰細怕開窗香沈繡佩衣三浣紅溼綃封淚  
幾雙斜角晚煙零落後綠槐疏雨竟何邦

春歸誰遣喚春回未妮東皇小住佳桃李無言空抱  
子燕鶯分路併離懷谿邊枉惜千金縷樓上交愁萬  
寶釵簾幙重重貪卧病夜淡檀板靜空齋

各自飄揚不自持劇憐相妬復相隨渡江重愴關山  
曲行路難齊上下枝苔汗錦勒畱瑞腦露迷空井溼  
胭脂畱連到處知何爲片片春心折藕絲

爛漫初曛送夕曛三分芳草過平分畫橋粉水琉璃  
地才子蘭舟越鄂君射鴨身閒侵沼見賣錫聲峭隔  
煙間玉簫不遣輕吹徹已破麝鐵一樹雲

不成飛去復飛還聲斷陽關阿鵲藏著鬢已疏香點

點巡檐空喚手  
摻摻東隣天遠窺人路南浦風分送  
客帆邀半明朝曲江曲更于何處典春衫

交枝妨帽影  
菲菲徧蹋城南舊杜韋  
唬歇乳桐幺鳳  
小歌殘青箬鱖魚肥  
九千刻裏晴狸照一萬分邊雪  
打圍歲歲獨添妃  
豕恨月明環珮竟空歸

危芳翻弄轉  
稀疏暗地苔痕伴  
索居搏露漸酣雙白  
宿皺波頻上  
小紅魚輕羅正待佳人  
翦豔鬢難禁綺  
節除攬得新蒲卷  
裙帶閒將蕉葉併題書

過一百五身事慵  
惜惜愁打景陽鐘已空  
執樂三千  
指賸有微吟十二峰  
故里青門田十畝  
昨游朱館路

千重經年慣作長干別不分隣舟特地逢

風光駘宕力難扶物色分遺到野夫小渡晴波將芳  
藥下山芳澗採靡蕪蕪游絲約畧禁全裊娛蕊商量好  
在無池草自生吟思減那將新句僧封胡

大隄寒食水揉藍徧洗芳華薦正酣何恨石塘上罵  
座竟成螢女解宜男翻車試挽連錢馬繞樹應抽八  
繭蠶歸路更無春去北朝朝江北與江南

出北郭尋花至故侯廢園二首

阮刻其一

早時都護鎖名園幾夜狐狸叫月昏惡木心期蒙吏  
壽怪禽爭學冶長言翦除得意陰沈地結構迎人謁

黛村經畧許時吾僂爾為移泉石轉乾坤

潤州二首 阮刻其一

何才何惺惺時稀古堞連雲上馬蹏籠吳暮雨捲雕  
蜺穿蜀晴雷搖練犀樓臺晚日酣千里煙樹喚人明  
一谿衛公其爽孫郎業畱偕西風壯鼓鼙

次韻汪師李四首 阮刻其一

睨看雲際赤鳬翔紫鏡曾磨五劒堂巨手卻憎麟篆  
孰微吟曾帶鹿牀香湘蘭雨暗青楓市苑樹春歸細  
柳倉誰解金龜堪共醉風流空憶老知章

宮井桐花奏賦年燕關桑葉劬邛烟秦山好去非無

地楚筆往來其問天鸚鵡調高亢有悵琵琶絃急更  
無緣祗知不得文章力枉被人呼下水船  
相見春蒲抽玉簪相思梅蕊凍江南日車壯士翻難  
得水杜豪吟鬪莫酣一榻偕藏癡抵蝨九絲遲吐餓  
千蠶封題爲報漳濱客等似維摩病未堪

春望

悵望青門玉水前暖塵成海路成川連天春悵三千  
里逝水年華五十絃餘事扁舟堪散髮關心二頃朱  
朱田因思舊日諸公子惟有

春慵

鑾鐸聲中息。日鳴閭門渾似道。初成神仙。猶畏多官。  
府江海真期。變姓名下澤。本無經世意。著書誰識異。  
時情千年不信。荊州僕枉是英雄未達生。

春寒

春日春寒特地饒。空庭兼與客騷騷。侵尋不斷相拘  
束。遮莫頻添故劇麈。雀尾試烘三日火。鷄雞時翫一  
雙槽。晚來渾較無憑準。重喚封姨弄剪刀。

天津

賈舶連樁接粉闌。綺羅燈火照芳春。幾年碣石淪滄  
海。千里黃河下析津。三月垂楊調馬路。一隄明月打

魚人長安北望雲霞近徧接河東郡縣新

詠錢和韻

拄腹不關文字飽隱身才覺鬼神尊直將天地爲輪  
廓閱徧君王盡紀元解使英雄俱寂寞休將愚癖更  
嗤論試看吟口千秋者盜跖顏原竟兩存

春日集飲丁香花下

春如五日閒京兆花對三生舊牧之已落猶開憐晚  
晚細看微惱轉依遲正難風月流連地忍負尊罍汎  
灩時休被芳枝更相笑枉將塵事背佳期

和好山明州作

成梅開帶海雪吟路去扶桑定幾旬風物可憐應足  
賦鄉音差似未能真驚城亂颺孤城晚高船爭回絕  
島春曾是土龍經實地欲將書札報何人

子謙過湖曲草堂出示近作奉答

嶺雲靄靄動新吟落日遙遙對碧岑四海猶餘吾黨  
在一樽時見古人心幼安臨水初知樂宏景尋山未  
厭溪河逐長沮坐巖石邱中自管有鳴琴

京口懷古

三分地險控金陵百戰城餘鐵甕名驃騎樓臺煙草  
滅寄奴勲業浪花平易曉幾聽南朝曲馬射空屯北

府兵今日丹徒布衣侶夕陽殘角送江聲

將發揚州

夢踏吳王送女潮過江吹徧冶城簫煙花三月連淮  
浦風絮千年嫁六朝誰共題詩圍錦瑟空餘翻酒陪  
紅綃他時記取飛鸞節畫舫青門未覺遙

霜葉紅丁二月花

已著微霜怨景差東皇定憶好年華如何埭口千林  
葉更作河陽滿縣花映岫薄烘輕霽日連峰全蔽遠  
天霞明翻■件煙村動醉重仍舍秋岸賒漢苑參差  
迎樹樹武陵迴台認家家層樓別曉迷紅寺半帶平

橋護白沙片楮刻餘瓊屨屐幾帆飛賸錦橫斜乍驚  
寒食香帘路莫誤青衫玉鼻騮黃鵠磯長愁十里青  
猿江上接三巴夕陽萬點鴈孤戍隔浦無邊送去槎  
冉冉亭皋傳細杵蕭蕭關影入清笳愛將書風成  
陣若寄情詩水一涯緩舞不知閒牧笛頻疏猶起後  
棲鴉朱樓窈窕晴相對紺鴨森岑斷復遮誰染豔光  
爭綺繡迴添秋思在蒹葭門前烏相齊回首巷裏丹  
楓晚度車拂帽聲乾絮雨急聽鐘人踏石壇返蟲階  
淡月初封戶苔竈寒僧記煮茶照眼轉憐鄉夢劇舊  
游難覓畫圖佳依稀小謝城南過驢背吟殘手八叉

御試薰風自南來 擬作

正看紫極臨昌運，卻見芳辰洗碧槐。  
淑氣夾城疑不散，薰風滿殿乍相催。  
君王樂奏三宮備，兆姓祥迎萬福該。  
匝地恩波連錦雨，當陽雄朔起蒼雷。  
花將御沼紅雲動，草映龍墀翠扇開。  
朱雀遠銜軒律舞，元蛟低袞舞絃來。  
侍臣競獻宜年頌，珥筆誰誇大雅才。  
歌入昭華饒氣象，時乘羸長阜賁財。  
何曾楚國能相詠，未許豐宮數舉杯。  
到處紛披醺管，晝多情飄冉度高臺。  
蔽際千里朱明曉，繞座平分孟夏台。  
共喜康年增瑞靄，臨池願託鳳凰媒。

杭堇浦太史納姬索詩

萱枝初喚畫簾開才子新吟在玉臺  
是多情難著處秦川遙寄錦書來

花暖紅豔照眼明  
早傳眉樣鬪娉婷  
邀郎偷畫春窗底  
分得吳山一半青

楊柳枝

武昌城外柳青青  
踈地長條拂岸橫  
任是情人莫教折  
折時枉是最關情

春心長亂百花津  
獨自今年不慣春  
惱煞東西煙雨樹  
終朝相見不相親

和好山題汪孝廉大興雪霽登小山絕句後

清絕蘇州五字詩小山晴雪晚風吹冰華沒帽吟肩  
合想見穿林獨往時

鄭彝安布衣詩

續補五律一首

布敵吳中細精裁稱意柔君從大使者買向薊門秋  
自許雲山在相將瀾浸游他時能伴我大澤一羊裘

石簫山房詩集補遺下終

清江浦朱公橋西首名  
習堂店柏士達錄

石筍山房集先十七世叔祖明經公之遺稿也先明經以乾隆初舉

制科同舉者二百數十人皆天下豪俊無敢自以爲能先者洎報罷天下歎其數奇于今百有餘年聲塵未滅然詩文流傳絕少汲古嗜奇者以爲憾聞先明經集前有趙刻後有阮刻遠僅百年近才三數十年而版本竟不可見道光丙午家君宦遊山左檢舊篋有先大父手輯詩文十八卷先明經博聞彊識醞釀渙醇又語必已出不屑爲蹈襲剽賊之陋讀者猝不能通傳鈔尤易舛誤家君得家存鈔本請春江懷江

兩太史悉心校核而文義奧折及不能舉出處者十  
仍二三用小尖圈注于字旁以無誤來學乃付剞劂  
氏刻既成以印本寄袁浦竝諭鳴泰曰此集出藝術  
家珍若拱璧然苦此閒少書不足備勘覈又刻手不  
佳恐不能行遠兒需次袁浦地當衝要爲江浙名流  
所萃兒當訪延耆宿司讐校覓良工必使成善本以  
廣我表章嘉惠之意秀水高伯平先生均儒浦上游  
客言文章無與匹且樸愿可倚任鳴泰致家君意伯  
平垂允鳴泰又接家兄慶驪寄書均購得原刻所佚  
文四篇伯平謂當均補遺河帥楊至堂先生藏書富

而嗜學不倦間鳴泰重刻先集論云官黔中時得鈔  
本四冊又有續鈔佚編兩冊發交校補伯平悉心校  
核校正原刻錯字甚夥詩不及原刻之半文無所增  
其續鈔佚編內有文十五篇爲原刻所無詩尤多然  
有詩同而題不同者精求詩旨從其長者俱入之補  
遺其中間有文從字順與先明經思筆不甚符合者  
復僞不敢必伯平以爲當過而存之得補遺三卷伯  
平又假得南豐譚桐舫太守祖同少時印鈔趙刻本  
與河帥所付黔中所得四冊無異合原刻十八卷共  
二十一卷托始于道光三十年三月至咸豐二年三

月歲事非伯平之好學深思不能襄此盛業然猶有  
闕疑不敢質言凡改者唯望勤學真儒于此刻外別  
有所得知根據足備覈正者不吝賜教郵寄袁浦使  
鳴泰得以續成全豹是爲至禱咸豐二年春杪二十  
二世諸孫鳴泰謹跋